



ACTA DA SESIÓN CELEBRADA POLO PLENO DO CONCELLO O DÍA VINTE E SEIS DE MARZO DE 2025, CON CARÁCTER ORDINARIO

SRES. ASISTENTES:

Presidente	D. CARLOS MARTÍNEZ CARILLO
Concelleiros/as:	D. MANUEL COSTA CERNEIRO
	D. JOSÉ MANUEL GONZÁLEZ COUTO
	D ^a . MARÍA SUSANA GARCÍA LEMA
(Intervención telemática)	D ^a . DIANA VARELA BARREIRO
	D. ENRIQUE VÁZQUEZ MARTÍNEZ
	D. JUAN MANUEL CERNADAS MÉNDEZ
	D. JOSÉ CALDELAS GONZÁLEZ
	D. XOSÉ ANTÓN POSE RODRÍGUEZ
	D ^a . YOLANDA VIEIRO CEBEIRO
	D. XESÚS CASTRO BLANCO
	D. JESÚS GONZÁLEZ CORBELLE
	D ^a . MARÍA BEGOÑA GONZÁLEZ PICANES
Secretaria	D ^a . MERCEDES PEREIRAS CALDELAS

Na casa do Concello de Vedra, sendo as vinte horas e trinta minutos do día vinte e seis de marzo de dous mil vinte e cinco, baixo a presidencia de D. Carlos Martínez Carrillo, reúnese en sesión ORDINARIA o PLENO DO CONCELLO, figurando os membros do mesmo ao comezo desta acta.

Declarado aberto o acto pola Presidencia seguidamente pasan a tratar os asuntos incluídos na seguinte

ORDE DO DÍA

1º.- Aprobación, se procede, de acta de sesión anterior (26/02/2025).

Dáse conta da acta da sesión plenaria ordinaria que se aproba por unanimidade dos asistentes.

2º.- Dar conta da aprobación da liquidación do orzamento do exercicio 2024.

Dáse conta da aprobación da liquidación do orzamento municipal do exercicio 2024, aprobada por resolución da alcaldía núm. 122/2025 do 27.02.2025 que se transcribe a continuación:

Antecedentes

Consta no expediente 2025/T019/000001

- Providencia da alcaldía de incoación do procedemento para a confección e aprobación da liquidación do orzamento do exercicio 2024.
- Informe da secretaria en relación coa lexislación aplicable e o procedemento a seguir.
- Informe da intervención da liquidación, de conformidade co esixido no artigo 191.3 do Real decreto lexislativo 2/2004, de 5 de marzo, polo que se aproba o texto refundido da Lei reguladora das facendas locais, que incorpora os seguintes anexos:
 - o Anexo I “Estado de liquidación do orzamento de gastos”
 - o Anexo II “Estado de liquidación do orzamento de ingresos”
 - o Anexo III “Resultado orzamentario”
 - o Anexo IV “Remanentes de crédito”
 - o Anexo V “Estado do remanente de tesouraría”



- Informe da intervención de avaliación do cumprimento do obxectivo de estabilidade orzamentaria, do cumprimento da regra de gasto e da débeda pública.

Fundamentos xurídicos

De conformidade cos artigos 191 do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais e 89 do Real Decreto 500/1990, de 20 de abril, *o Orzamento de cada exercicio liquidarase en canto á recadación de dereitos e ao pago de obrigas o 31 de decembro do ano natural correspondente, quedando a cargo da Tesouraría Local os ingresos e pagos pendentes, segundo as súas respectivas contraccións. As entidades locais deberán confeccionar a liquidación do seu orzamento antes do día primeiro de marzo do exercicio seguinte.*

Á vista dos antecedentes e fundamentos xurídicos, en base as atribucións que me outorga a lexislación vixente:

RESOLVO

Primeiro: Aprobar a liquidación do orzamento correspondente ao exercicio económico 2024 cos estados que forman parte do expediente de liquidación, que reproducen toda a documentación que regula a Orde HAP/1781/2013, do 20 de setembro, pola que se aproba a Instrución do modelo normal de Contabilidade Local, incorporando a esta Resolución as magnitudes máis importantes e que resumen a totalidade da xestión económica e financeira da Entidade:

- Resultado orzamentario axustado negativo de -24.689,52 euros, o que supón unha situación de déficit derivada da execución do orzamento do exercicio 2024.
- Remanente de tesourería para gastos xerais negativo de -436.152,09 euros o que amosa unha falta de capacidade económica (liquidez) para facer fronte as obrigas contraídas.
- Cumprimento do obxectivo de estabilidade orzamentaria, entendida como a situación de equilibrio ou de superávit en termos de capacidade de financiamento de acordo coa definición contida no SEC 2010.
- Cumprimento do obxectivo da Regra do Gasto, entendido como a situación na que a variación do gasto computable non supera a taxa de referencia de crecemento do PIB correspondente a este exercicio.
- Cumprimento do límite de débeda segundo o artigo 53 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais.

Segundo: Dar conta ao Pleno da Corporación na primeira sesión que celebre, de acordo co establecido nos artigos 193.4 del Texto Refundido de la Lei reguladora das facendas locais aprobado por Real decreto lexislativo 2/2004, do 5 de marzo, e 90.2 do Real decreto 500/1990, do 20 de abril.

Terceiro: Remitir copia da mesma a través da plataforma da Oficina Virtual para a Coordinación Financeira coas entidades locais, antes de finalizar o mes de marzo de conformidade co establecido na Orde HAP/2105/2012, de 1 de outubro, pola que se desenvolven as obrigas de subministración de información previstas na Lei orgánica 2/2012, de 27 de abril de estabilidade orzamentaria e sustentabilidade financeira.”

O pleno dáse por informado.



3º.- Contestación ás preguntas formuladas en plenos anteriores

Intervén dona Yolanda Vieiro, do BNG, para mostrar o agradecemento pola organización dos actos do 8M.

A Presidencia agradece a súa postura.

-- Ás preguntas formuladas por dona Yolanda Vieiro, do BNG, a Presidencia contesta:

1º.- Sobre o retraso no pago do salario ás traballadoras do SAF, a Presidencia di que espera que non volva pasar. Foi un retraso no pago por parte da empresa ás traballadoras. Non é un retraso no pago por parte do concello á empresa.

4º.- Rogos e preguntas.

-- O Sr. Pose Rodríguez, do BNG, pregunta:

1º.- Parece ser que está dando problemas a famosa liña baixo demanda do transporte a Vedra. Que el teña constancia, cando menos un par de veces, solicitouse para o día seguinte para viaxar de Santiago a Vedra un grupo de persoas, e directamente non pasou. Despois da negociación feita polo grupo de goberno, cre que deben controlar o pouco que conseguiron, porque senón esa liña vai desaparecer e a empresa Monbus segue cobrando por esa liña exactamente igual.

-- Dona Begoña González, do PSdeG-PSOE, pregunta:

1º.- Quere mostrar o agradecemento polos actos do 8 M. considera que foi un acto bonito, ben planificado, nun lugar idóneo pola súa capacidade e porque permitía facer outro tipo de actividades.

2º.- Pregunta se se van revisar as obras do parque de San Xián. Parece ser que os nenos da escola unitaria non o están a usar porque se encharca e énchense de lama.

Conclúe ao fío das vinte horas e corenta e cinco minutos.